## 山庫全幸

史部

欽定四庫全書史部

歷代名臣奏議卷二百二十四

詳校官編修臣周 瓊

编

修正装 謙覆勘 總校官編修臣王燕緒

校對官修撰臣吳錫齡 腾録監生日戴祖覃

7 五至 長長 懈益度區區防江固 撰 臣

乾道元年以後始無屯 專聽建康都統節制江面闊遠如裕溪大信魯江口等 行起發不惟水潦之後或盜賊垂 處自中與以来大將劉光世劉錡相繼屯駐劉彪陳 及李顯忠繼之最後督府起發諸州揀中廂禁軍来 軍勢單弱無以彈壓委有利害欲望聖慈特降春古 逐 州兵卒例免起發又添諸州揀中人本州與兩 间 止有揀中禁軍四百二十七人依准指 )駐之軍竊見建康池州既有 虚竊發正恐邊臨 掸 此 敏

銀定匹庫全書

卷二百二十

繁中原之至而已然臣聞諸道路軍行非時海暑之所 次产写車 上 中精兵十數萬移戍金陵威武之聲震懾華夷豈特以 而有帝業則此舉誠有補哉仰惟陛下奮發剛斷舉殿 家四方於是歸心史氏以為美談故能壓秦殪楚數載 置造軍裝以備緩急調發臣仰冒宸養無任味死 下之今有日軍士不幸死者吏為衣食棺效轉送其 知建康府又論軍士展俸割子曰臣聞漢高祖初與 歷代名臣奏議

許

與存留就差本州路分團結臣逐日按視教閱依舊

陷 其長孤幼無主者官給錢米撫養庶幾轅門之中人 其子十五六歲以上雖未及等仗許令挿板招刺 餓莩之憂臣愚欲呈聖慈特降唐旨採西漢羽林孤兒 **邇来安愈浸多惟是軍校亡月俸隨而倚閉負者皆有** 責醫工僅百輩差官監督巡門診視又使胥徒籍其數 疹相垂死亡不絕甚可憫也臣治官之始精治樂劑 制酌里 一對酒流之所濡滞產得善達而闔廬痺淫之不戒疾 ,朝軍士暴露之法今後死者量展一 月之俸

きかりん

5

Œ

感恩一 給售管之田罷敢中創取之租既因其習俗人皆樂為 據舜與臣說自以復秦隱 軍買馬臣於四月初到璘軍前與璘共議於陝西募兵 とこうし 本朝 以忠義敢勇為名已先議定賞格及月給錢米施行 虞允文上言曰臣被奉元降指揮委臣同吴璘指置招 下矣臣觸冒宸嚴惟陛下財幸 用目今漸見成效臣因等計敢勇請給以萬 旦驅之鋒鏑視死如歸而死者亦將結草於地 1.11. **狂弋召至长義** 带之後修明弓箭手舊法

道 自定公私共利誠為今日之宜巳即具事因奏知去訖 率歲費川錢引二百餘萬道若募者出於與强則新歸 以盡反敵之虐政則民有占籍之田田無輸官之租 手舊法實祖宗寓兵於農萬世之長策若推廣而行之 内附之民一 可不先事而慮臣當熟思今日陝西事宜惟著漢弓箭 )廣以至人免招刺之擾得以安其故習而新集之 正之心堅官無養兵之費歲獲因羅之利而生財之 **咈所欲恐失其心而國用有不繼之憂不** 

多员四母全营

臣與吴璘商量雖令諸軍分募其不願應募之人不得 兵之上第而臣與吴璘見亦優立重賞刺以願應募者 今年四五月以来招徕忠義人及大漢軍亦及六干 通 以助軍勢以補軍實所有戰馬臣於兩月之間已買及 三切戶 兵日益廣國用無不給之憂士夫之論皆以為得募 /前後團結之數已及二萬六千餘人而王彦一軍自 勒仍以弓箭手法團結西人比者又収復熈蘭等州 餘匹並是及格闊壮有脚藝成熟堪戰用者而新復 歷代名臣奏議 餘

依施行去記伏乞睿照 見就緒見将御進馬於今月初九日計網節次起發外 来習學弓弩大段滅裂盖自去年十月後不住督責至 及五千餘人 御札凡人馬器甲一 允文又上言曰臣比奉聖旨同員琦拍試諸軍臣遵依 所有諸軍戰馬已先具奏乞降分撥軍分去處以憑遵 郡所買之馬皆未至約至秋冬之間可及一百網 〈臣又嘗念荆鄂兩軍皆精銳可用惟是從 , 盡躬親呈閱節次增入隊之兵 粗

多分四月全世

官軍之所不敵中國之所長者勁弩敵兵之所甚畏也 識者惜此兩軍積年不留意於此臣已面諭新習弩手 馬假以自歲長兵之利何戰不克盖敵之所長者鐵騎 臣亦已選摘併令改習勁弩共得六千人合舊管强弩 既不能以及遠又不足以破甲又次等槍手占數頗多 今来拍試升起斗力者已五千餘人其七斗八斗弓力 手并臣所募神勁弩手可及萬五千人而强弓手不與 人自今分月拍試時以銀幣激搞之務今斗力增加踏

大三丁巨 has

**堰代名臣奏曦** 

去年冬至今二月節次改撥教習之數細計見今槍 槍已於員琦回日開具奏知記臣竊詳王彦所陳謂禦 将荆鄂兩軍人數教槍手四分弓弩手各三分臣即 進 敵騎衝突莫如强弓勁弩委合今日事宜止緣未賣第 已不及四分弓弩手各及三分以上 允文又上奏曰臣准三省樞客院剖子坐王彦割子乞 金员匹盾全营 )呈外今先以總數別其礼子奏知伏乞唇照 《精熟以待陛下恢復進討之用臣已其細數附員琦 卷二百二十 仍每人各教用 短 將

更 備 次定四華 上 較多寡別具割子進呈仍行下两軍施行外伏乞唇照 諭司招軍例物錢下四川諸州打造衣甲應付宣撫 允文又奏曰臣奉聖旨檢照臣今年四月割子乞以宣 槍手以足四分之數臣已將兩軍見教三色人分數比 更不須別有加損且依舊人數教閱務今斗力增加以 計改撥見今教習之人以致分數多寡却有差互今来 結陝西弓箭手使用割臣照會聖徳昭明聖憲洪遠 戰用如将来有挽踏不進斗力低小之人却令改作 歷代名臣奏議 司

年歲之間造得一二萬副則璘軍前可得精兵一二萬 恐期會急促州縣因緣布賞生事伏望春慈下宣諭司 日契勘臣五月初元奏係備坐吴璘所乞臣之言曰若 人之用今朝廷所行雖多節文尚載年歲間之語而立 天人交歸全陜之衆聞風如順戴恩効死必有甚於前 至仁函覆不忍使新附之民亦身以冒矢石心誠所被 采臣末議特賜施行豈獨除治戎器以収恢復之功 止一月立賞又厚雖出朝廷措置以副邊方之急臣 而

金罗里五百量

卷二百二十四

日弊端累日而思於自治之策誠為先務且以三衙 豈能危身為朝廷了事臣揆以所聞所見其說尤得 葉衡割子曲垂宣示者注至厚伏用感懼臣觀所奏 とこう直 懦哀老之人虚占兵權心騎氣滿惟戀富貴萬一用 其要甚有可取誠如聖訓至其所論今日諸将多有 古今用兵之勢與庸中盛東成敗之機曲折隱微頗 别行措置依臣元奏施行伏候唇旨 允文又奏三衙兵虚冗之數日臣伏奉宸翰以趙良 ).i.L.i. 歷代 台臣奏義 庸 輔 兵

得此一 戰百勝之功亦豈首因循度日於軍政之易晚易行者 若一旦求為力戰之用可乎此盖因具兵籍年甲乃能 小事易晚易行者累言之三衙之兵自六十以上至七 未得而窺測計算也倘主兵官不屈於富貴果有志百 十八九歲幾一萬人人之月給約以二十千則歲費二 不自修的之至於如此乎古之名將不忍委曲彌縫偷 百餘萬緣以財為不足惜猶可也虚占兵額間誤指 事爾如弱者幼者病之痼廢者籍之虚目者皆

多定匹库全書

著見事之大者又可知矣臣之至愚因良輔之言竊有 有誕饅則遠者怠而無所不至亦人情之常不可不察 其務以奔走陛下之號令而超事赴功乎近者不理一 於三衙之近使凡所謂軍實者悉無所欺隱則大江而 目前之安必思勉策爱勤圖後日之用者無他以其根 大三日· 在· 所感慨伏惟皇明所照盡得良輔言意之表更加聖慮 於忠與智故也若無忠與智於事之小者尚不能少自 一抵於漢蜀一軍一屯孰不警惕悔懼各新其圖各實 歷代名臣奏議

識或考其議論或驗其勇力藝能之類涵養而作成之 謂若於樞家院創一 子中茶引年限推原政和四年八年所立法雖與今引 緩急之用必有可觀者況因減吏員之禄而用之於此 雖幾於自媒然兼収遠取積以歲時未必無所得或以 也良輔又欲陛下多方求才不以品類必用度外之 而裁酌之良輔劄子二件謹復進入所有葉衡看詳許 於有司歲計 無所傷損也亦乞自府意采良輔之説 科目專以儲中原人材或取其器

多分四周分書

巻二百二十四十二十四

慶利州兩路諸軍之弊聖訓所及悉不逃聰聞臣漸近 雲天之上萬里寸心怒然如摶夙夜無以自寕伏准今 措置有定議别具奏呈伏乞齊照 たこう更から 知淵東開釋聖躬清明臣手足抃蹈不勝宗社生靈之 月十二日庚牌逓曲蒙春慈寵頒宸翰臣下拜捧讀切 A 允文又上言曰臣自 發池州後去關庭益遠全不知近 面所載販茶半年一季之限文意各明事不相戾欲挨 消息雖遡江遵陸行均房大山中未嘗不嬌首仰望 型代名臣奏議

錢而掠無窮之息又甚者使主私務不問其得利之多 蜀境所聞日多其甚可憂者失軍心也失軍心有二散 錢糧春秋拘衣賜遇有教射或調發則盡沒其犒賞不 寡使耕私田不問其逢年之豐凶不一 至回易之兵方出營寨借使之役交與甚者餌之以私 多定四库全書 私與貪也諸大将子弟親戚錯處於軍中廪給於公 百人能振其職者未聞一事而露其事者果不一也以 而經營其私計占白直者不下百人私役使者又不下 如約則逐月尅

昧人情危疑未能断然便施行者事亦不一如聖訓**所** 當然牢不可破若威令必行豈容不革其間有事理 次定日華 三 及德順退師喪失不少然詢之於衆威云當時不敢以 之弛縱軍政之不修亦理之必至也雖上下相習以為 行請託成風既不計功過不問老壯不擇才否則兵律 至於如此而又一將一副或點或陞或去或留賄賂 不同者以去朝廷遠也士伍日以貧武藝日以荒理必 則監繫囚禁籍其家而不恤所以敢如此與東南軍 歷代名臣奏議

别具奏知聖訓义以吳勝愚暗固已無逃聖鑒之明 聖訓以任天錫營私臣未到金州已得其六七與州之 虚数固少而目請者多但歲月既久夫婦之情得 宇 兵六倍於金州不知其能知足知畏亟自悛改否爾 叛亡盡聞募乙承甲凡甲之老小家業官資悉以付 "爱成勢須求得其術以漸而革之乃不至於駭政 與元之後當先至與州然後往 到竹山拍試成兵閱實其數會大雨未果自 利州置司處節 此 男 也 臣 女

タクセ 人と

卷二百

察 陛下不凡之遇尚有所見不敢隱點為自固計伏乞睿 宸翰以為主師不得人所致嗚呼聖應自無遺矣臣感 とこうし 數易也今年四月與元兵逸關事果有之近據任天錫 聖意已有所擇欲望春慈畧賜密諭容臣細加審訪客 欲 以奏聞盖命令一 别議易置誠不可不養定但未知何人 已捕獲數人亦有自歸者似不可不慮陛下前所 7.17. 下利害不輕既難於覆奏又不容於 医气 占至尽義 可以當選或

**闇豈能識今日事宜但干載休期遭逢不世出之主思** 言交戰而聖斷獨運不惑不疑視自古大有為之君固 封天光下燭知遇訓勉有加臣下拜感激之餘伏惟陛 與之業誠艱難所以歎陛下經營圖回之不易也臣愚 亡而大勲可集此又古所未有臣前奏引漢史臣謂 已遠過至於曲折調護以待今日事勢之白著羣疑自 允文又上言曰臣准金字牌逓伏蒙聖恩賜臣御礼 下聰明英武沈機料敵舉無一策之遺當敵情未得羣

多好四周全書

弩又截留馬綱以足兩軍二年内合得馬數又於今月 勁弩於員琦回已其人數畫一劄子奏知并乞給降 **慮所及以敢即驕復今秋必戰令軍中多置馬軍弓必** 訓辭所謂觀其變絕其使嚴其備練其兵猶欲静以待 **東田軍在馬** 勁硬料敵制勝之道好盡之矣荆鄂兩軍所患者馬 )大哉王言德威兼用待敵之術得帝王之萬全而聖 少士挽弓七斗八斗者甚聚臣比因呈閱盡今改 得之處少圖萬分之報有不能自已爾伙讀 歷代名臣奏議

冬入寇則必勝之筭不一之備凡在我者不可緩也臣 政之外别無餘事雖疾病中亦不敢輕自懈逸如員琦 推行仰副陛下惠愛三軍之意臣自去秋獨留襄陽軍 十日具奏以敵兵内徒為歇泊之計簽民料馬以矣 打砸弓弩斗力亦是一 初到時臣疽發於髀亦必乗馬出入終日坐教場細至 至軍中役使掊剋之弊與夏初休息之期臣自當悉力 **區區管見偶合湖東凡臣所乞必已蒙睿察曲賜施行** 親臨不敢分委官属正恐一 秋

卷二百二十四

春般 得之微以圖萬分之報臣當泛觀今日之事其當輔 殊與之意感涕交集不能自已臣雖至闇敢不盡其 莫似為可行否臣伏惟陛下以禮接下以聖屈愚恩遇 大三日月 Link 日宜料理事尚多未覩别有窓奏昨日諭左相與卿事 允文又上言曰臣伏蒙庵慈遣中使賜臣親劉諭以 有欺弊不獨上辜使令亦失臣盡瘁竭力圖報陛下之 初心伏奉聖訓臣益當書紳朝夕圖惟不敢失墜伏乞 歷代名臣奏議 進

盡心苟可輸過臣敢不力而事幾之急莫急於兵財 主徳搜選人材生養百姓涉於大體者係目固多隨事 金灯四月白言 使兵冗而財未裕雖太平至治之時尚不可以國況外 嘗面奏欲革弊事以起諸軍之數心因諸軍之數心去 未復與圖未歸南北生靈未底於休息聖慮宵旰不一 有强敵之憂內有水旱盜賊之備而事之最大者世雠 **積年之冗籍兵自此强財自此裕已蒙皇明洞照即賜** 項刻暫思者乎如揀軍一事臣先日奏陳三衙之弊已

施 軍之士惟有一喜指紳之間遂見異論然後危懼者安 貼支更無激搞以作諸軍之怒論議又益皇駭歸咎於 てこうえ 有愠容臣以一言開晚之咸欣然而去今閉日已久 而是非者定事之微末尚且如此非常之原又當如 楝軍一 衙以拘以諸庫務回易雜役之人謂諸軍自此更無 而不知臣前 行但黄膀未出之間議論者或危或懼或是或非 1.1.1. 事就是今日之急務但恐羣言紛紛危懼是 日已被古施行矣及三即至都堂頗 歷七百至長義 何 及

朝廷之上百官之間當無異群臣今日已與陳俊卿 聚人之怨者無他弊事可去而國事可立也如使積怨 克家熟議来日面奏事底于成在聖斷先定審於初不 非有甚於前日初行而亟罷也今詔旨中出委曲宣諭 憂國愛君之初心若不肯黙默充位必稱病告免而去 於身而國事不立徒使他人得以市恩而自神則失其 移於終而已自古天下之事未嘗無弊天下之弊未嘗 不可去人臣有憂國爱君之心必忘其一 身之危以任

多定匹库全書

四点

苟且無所布說而成歸於正則假情於直亮者無有也 隱而聖德無我急於聽言若言者之心無所朋比無所 於可伸而臣卷卷欲報之大者庶幾於有立也臣與於 强財可裕仁義禮樂之事可次第而行陛下之志庶幾 托辭於仁厚者無有也詭計於安静者無有也三者疑 也伏惟陛下日月之明於萬幾之事容光必照無所門 とこうこ 之間實今日士大夫之大弊惟陛下深察之則兵可 7.1. 歷七百至奏義

蓋忠慎所迎則富貴可輕考之方册可鑒可數者甚多

然則國用未豐民力未裕養兵當養有用之兵不當養 軍制階級之法兵布諸路可謂至善而以謂無用何哉 憂國爱君之誠抵突天威伏乞睿察 諸州廂禁軍諸路將兵無用之兵也盖承平百年之後 無用之兵臣欽惟太祖皇帝以仁義之兵定天下初立 左司李椿奏曰臣竊惟兵者執干戈衛社稷不可廢也 衙衛士江上之兵荆襄之兵蜀邊之兵有用之兵也 孫相承人不知戰安於姑息而驕矣兵官難得其人

**多**定匹庫全書

卷二百二十四

寇王宣謝實皆緣將兵禁軍敗事而致猖獗必待遣發 靖康之初固當集天下將兵悉不戰而潰因而作過者 欠了了一人 大軍而後定江西福建皆然不唯無用平日則欺壓良 敗猶為有說至如湖南之寇縣科胡邦寧李金廣西之 亦諸州禁軍也此皆有思歸之心無前戰之志所以致 多矣紹與辛已王權之敗諸州禁軍先潰也步司報潰 而逃者亦諸州禁軍也甲申冬定山之軍獨不能守者 不唯難得亦奪其權故私闘則喜公戰則怯宣和之末 **亞代名臣奏議** 

議應守臣陛辭之日戒之不必降指揮使由之而不知 屯諸路亦不失太祖皇帝之本意也願陛下客與大臣 益也臣以謂無用之兵豈厚誣之哉臣愚以謂有用之 民緩急則崛强難制國家廪賦生民賣血養之非徒無 信州守王師愈奏曰臣聞古者兵農為一揀其可用者 後天下無無用之兵矣將来息兵之日以邊上之兵分 天下幸甚伏乞屠照 兵當益無用之兵當銷銷之之術惟逃亡不招二十年 

金好四月全書

乞為陛下言之昨因建康掌兵官建議盡將諸州土軍 監也臣竊見比来揀汰諸州縣土軍弓手似未得其術 用之汰其不可用者悉歸之於農故無後患之可處後 えい ラシューシュー 弓手選為三等强壯堪戰者為第一等老弱疾病為第 **術則不可用者適足以為害蕭仍銷兵之覆轍不可不** 之甚精未為失也因降指揮令将第二等三等人盡行 三等上不及於强壯下未至於老弱疾病為第二等選 世兵農為二揀汰得其術則可用者固為之用茍失其] 经七百五人美

能過之况以揀汰之初亦有一時暴病今已安愈者若 勞効見有資級頗善部轄者雖使新招少壯之人未必 於事藝生其郷土諳於擒捕亦有屡經出戊臨陣曽著 揀汰人有子弟却行招収如無子弟方許召募填闕諸 抵换别招人填補既而稍覺其未盡善續降指揮又許 怨尤者夫第二等人雖及中年筋力尚壯久在營寨熟 州各巳奉行第三等人自知老弱疾病甘心揀汰不敢 旦弃之不唯可惜且恐其失業無歸迫於飢寒輕則

**釤埞匹庫全書** 

四章

為無礙臣愚欲望聖慈行下有司將諸路州軍已經棟 各給半分昨来建康掌兵官申請一例抵換於條今未 管事看營則員又令諸軍有戰功應減充則員者請給 應放停者雖不堪部轄征役聽免放停減充本指揮 滅不然亦非小寇也臣伏覩乾道令節文諸軍有戰功 之人不脇而願從者已多有之幸而吴十三等未幾珍 月間江西建昌軍南城縣吴十三等嘯聚被棟汰放停 犯法禁甚則為盗賊其為州縣之害必矣竊見今年六

次已日草 山馬

歷代名臣奏議

員給以半粮如無戰功尚堪征役者令州軍於廂軍關 得所歸不致他時為州縣之害 乞存留其間委有戰功不堪征役者乞照條令減充剰 補資級今来筋力未衰熟於事藝善部轄慣擒捕者亦 病今已安愈果是强壯堪征役者乞與存留元因戰 選第二等土軍弓手再委官重行揀選如土軍元因暴 額數內収留至於諸縣弓手既無剩員半粮之制其第 二等人亦乞揀其可留者留之庶幾揀汰抵换之人各 功

金罗四周五章

卷二百

二十.

盖三代之兵出於農此所謂一也兵出於一古也然可 魰 楊萬里上疏曰臣聞天下之兵必有所斂有所散有所 侯外守以四夷無敵國之兼并無匹夫之崛起故其兵 用之於古而不可用之於今也盖三代之時内守以諸 たこう me lili 敛所以集天下有用之士有所散所以去天下無用之 說古之為斂者處其一 散之說而兵制無遺第矣臣請言斂之之說盖致之 不集其有用則兵不强不去其無用則兵不精明乎 聖代名至奏義 今之為斂者處其三何謂

·募日子弟日盗賊此所謂三也然古雖未用今不可不 觀之而以 用也今夫两軍相當詐力者勝則夫三者之兵不可以 行陣而勝負決矣故所謂 之勝也以吾之仁勝彼不仁以吾之義勝彼不義不待 所謂點民者耕而食織而衣循循以為謹厚點點以為 (用也非惟不可以不用也亦不得不用也毋以天 心而不以力以義而不以許其所以為勝者非後 鄉觀之今夫 一者古可用也何謂三曰召 鄉之中有所謂良民者 有 世 下

金炭四厚全書

四重

忠信犯之有所不敢校而辱之有所不敢怒此良民也 兵其肯老死而不動乎抑料猖狂潰員以至於大亂 其没世而不能者無乃交病也數且點民不以之以為 こうしこ 為兵則其為用亦不少今欲棄其為用而不少者而强 而不能點民者放之則其竊發有所不可制而以之以 之以為非固有所不敢而強之以戰闘之事則亦沒世 而有急則推埋剽奪以快其意此點民也夫良民者誘 不耕而求飽不織而求温平居博奕飲酒以肆其不逞 歷七百至於美

擇其所以致之者耶臣請復言散之之說盖散之之說 老死者不用之於姦惡而用之於功名此駕馭姦雄之 盖以十人而擊一人則十者衆一者寡矣宜乎十者之 至術也故其所謂三者今不得不用也如是者豈可不 為吾用則其猖狂者不施之於我而施之於敵其不肯 夫與其至於大亂孰若収之以為吾用哉何則収之以 而宜散者冗兵也實已散而名不散者虚兵也何謂 有實未嘗散而宜散者有實已散而名不散者實不散

欽定匹庫全書

ここう!!! 宜散者也何謂虚盖其名存其人亡 其人亡其食 存夫 補少而計之食者十而兵者十之三四也無事則盡國 怯之相遠至於相百而吾則一之是則一軍之士絕多 時而當 勝也然 有名而無人無人而有食則其食鬼食之即則亦有 而有事則敗事朝廷亦何便於此也此冗兵實不散而 者愈寡百者愈衆矣宜乎一者之負也然百有 一則勇怯之殊也老壮之相去至於相十而勇 有時而勝十則老壮之異也以一人而擊 医弋吕至长藏 百

·募之法行故郷里之點民有所收子弟之軍用故營壘 乎哉如是而國不貨民不病者無之此虛兵實散而名 而無實兵主將無實兵而有實利主將則利也縣官 而子虚烏有之徒居其十之三四馬是故縣官有實費 也彼執籍以青吾食而吾亦按籍以飽之食一軍之士 而其籍則居也某與某未嘗募而至也而其籍則已募 不散者也如是者盍亦講其所以散之者耶今朝廷 召

之者矣某與某死者也而其籍則生也其與其逃者也

多定匹庫全書

閱之地而檢押公於司籍之人何則軍之老壮勇怯雖 **飲定四車全書** 朝廷每歲不測遣侍從臺諫一人忠而有望者出諸軍 存雖不可以遽知而責之司籍之人則彼莫不知馬從 不可以盡見而教閱之地亦可以緊見馬至其死生亡 行視而檢押則虛冗之弊可以少革也盖行視必於教 **飲兵之至計也朝廷既行之矣雖然猶有可散者臣願** 之點者有所泄盜賊非大惡者不殺而貰之以為軍故 山林之匹夫不至於為亂教而擇之將皆卓然可用此 歷代名臣奏議

之法也 萬里又日臣聞計天下者不可以祖於利亦不可以懲 於害狃於利而必為者害至而不思懲於害而必不為 在 待之以賞罰馬則冗者何患於不散而虚者何敢以復 存哉去冗去虚而實兵見矣此散兵之至計也夫典兵 其可緊見者而沙汰馬從其莫不知者而開之以首實 手グセスと言 利以有所遺議者皆日鄉兵之法不可行也民樂於 人用兵在術練兵在法臣之所謂斂散者是則練兵 卷二百二十

摄民之害以農為兵非其習也守則潰戰則奔時則有 為農而不樂於為兵奪其所樂而强其所不樂時則有 而安民不敗事而成事者也天下未有無害之利也 敗事之害彼見石骨籍諸州鄉兵謂之武定軍而民不 即生是以曰擾民見石晉置兵謂之天威軍者竟以不 可用而罷是以曰敗事知此而已矣不知夫有不擾 人坐於舟而行之以手無人見而悦之歸而以手行 而有無害之利則誰不能計之者利於一 必害於

**東巴田屋 Action 一** 

壁代名臣奏議

之使燕者為燕越者為越者也今夫民之生有安地 其不同而同之使熊人而為越者也因其不同而不 越 於塗未有不匍匐顛仆而可笑者燕人而為越人固害也 危地生於安地者以危地為懼而生於危地者亦不以 未見夫越人千里咫尺之利也民不同地地不同利逆 地為慕內地之民仰父而俯子安居而暇食至有老 而不至州縣不識官吏者而況於兵革乎追地之民 (而不為越人豈不害哉議者見燕人顛仆之害矣 卷二百二十四 有 同

多灯四月全書

屯 |樂為鄉兵之意上之人迎其意乗其資而成其助則 資不支則移此已病於無鄉兵之助寇去則歸此已有 支不支則移寇去則歸夫曷不遂徙以避而何樂於歸 則不然朝而春熙暮而凛秋今日之安集明日之離散 於邊地則何為而不可觀其冠来則支此已有鄉兵之 くこうし 自内地之民視之何可項刻居也而逼地之民寇来則 而相易也哉故夫鄉兵者臣以為行於內地則不可行 非樂也勢也魚以淵為歸鳥以林為歸夫豈以燥溼 111 歷代名 臣奏儀

面之民皆韓信背水之兵也故田單以掘冢墓激齊 為守也夫人自為守者守不以城人自為戰者戰不以 兵之法有不難行者得其人講其術而行以漸判襄淮 兵守不以城者以人為城也戰不以兵者以心為兵也 鄉兵而備北敵盖以國守邊不若以邊守邊何則人自 多厅匹母全書 而破強無周德威以土兵據險而制契丹祖宗以河北 不肯達其安民不見死必不肯捐其生以不危不死之 石晉者欲舉鄉兵而行之天下則過矣民不臨危必 卷二百二十四

民而望之以不安不生之事此石骨之鄉兵所以擾 故風聲氣俗高尚武勇此說得之夫山西出將非天也 卣 晉之不得其用併與其有用者棄之又過矣臣當爱班 而無用數雖然懲石晉之擾併與其不擾者廢之懲 てこうし ここ 借兵於西也陳慶之之取河南非募衆於北也兵豈 也地坦於羌人而民習於戰備則何地不山西也哉 日淮民之脆非山西比也是不然宋武帝之取關中 山西出将之説以為雕西諸郡班近羌人民習戰備 臣七白五人人 石

而攻 也 周 非 而小民 謂其脆也哉昔周世宗之侵唐也淮之民方苦於唐政 有常地哉顧所用耳且黥布之兵能使高帝亦避其鋒 弱而 一 夫民苦於主而猶能拒敵沉爱其主者耶 淮 師屢為所敗唐地多為所復當時謂之白甲軍者是 耶李陵與奇材劒客蹀血屬庭非楚人耶而 虎者虎勝一 相與聚山澤立堡壁以農器為兵以精為甲而 一夫之强也閩而得地者勝不得地者敗昌 夫荷鋤而遇一 虎者 人勝非 百人操兵 百 可

多好匹庫全書

f.

才且强者禮而厚之時有以少蠲其征役或因使之 所窺使縁准郡縣不禁土豪之聚衆挾兵而又陰察其 然行鄉兵之法於邊地者決不可自官行之官行之則 地 死求生而不以生求生追地之民亦死而求生者耶 百人者既以生地自居矣焉得勝故古之善用兵者以 **死是也地有所必死則勢有所必奮勢有所必奮則** 有所必力一夫者居必死之地此其所以必生也彼 私行之則樂官行之則敢必疑私行之則敢不知其

欠已可見 二十

登代名臣奏流

蔵人 貟 氣張散則衰且竭也今推鋒一軍有二千七百八十 東路所至彈壓居民自定然兵勢合則壮散則攜合 盗 廣東提點刑獄林光朝奏日臣編見推鋒 金好四母白書 輜重守寨栅者當過三之一 分屯二十四處韶州重兵八百四十七人樵爨厮役 而捐一官以報其功庶幾邊民之樂於戰一旦有急 八未易南下也 軍擇其可戰者不過四五百人其他分七或 卷二百二十四 昨来茶城侵近本路 軍在廣南 則

とこうし EP 分 百 里或三數百里或遠在千里之外檄書調兵非 承山之下直来有外即勝負未可知也偶選延歲 此賊輕狡是必乘虚而来二百里之中首尾且不 可致也賊入南 兵俱集統制官路海當語臣口若以倍擊之何憂 之仁化則其他州郡且將戒嚴矣以推鋒四五百 或蹉跌更無别項策應之人當是時若賊不宿留 南雄及韶之仁化則守之為不足若欲併在一 雄則公走循 医七百至尽表 梅循梅賊故巢也賊 相 月 月

自循 即倉猝有警不須調發可以成禽也然漕計 處 胏 汀贑 制倉猝矣太平長樂二鄉見属郴州 多员匹库全書 不問也韶州 其地 臣 可以集事則亦已無及矣若此一 梅壁雲山多至十 稍梅四州 稍磨其人易動歲一 知 韶 別也駐一 重兵所制倉猝使之每每待 抵界處推牛冗坯之人率聚於此前歲 百人剽掠潮惠問此鳥 軍更須增添數 不熟即有攘臂輕生之 四声 處更增添數 此為李金出沒 百人 然後 月之 巴宮實無 可 程 縱 百 可 念 之 とく 絥 而

戌荆南三千人關額衣糧及陞轉官資已機在諸州或 欠三丁里 Lide 論之臣聞紹與罷兵之後御軍者豈必皆賢為兵者豈 事舉世皆知之賢將以閉習而得誇則人或未諭臣請 光宗時周南進兵論曰臣聞貪將以刻剥致怨已然 非過計也 軍久遠之利也臣於警急之間見此利害甚為廹切實 前後事故之人歲可省緡錢若干以給此數百人為是 以給此增添之數臣欲望唇旨截自来年取會本路 壁代名臣奏議 出 之

盡知義良由立功以後隊伍多是崇資俸賜各各温 年 是以軍政不問寬嚴士氣無不和樂今兵不用又三 得其雕心然軍中犒賞每患無錢朝廷特支不可數 補 則不必精騎射則不必習為軍士者亦且利其放 口界衆多衣糧不足議者以為若欲少振士氣必須 統制者方懼致怨何敢復問軍政之 授者不能百 軍之中白身而經轉資者不能什 日請百金而謂之 行伍者四居其三 廢爐故以擊 經轉資而得 飽 先

多反匹厚全書

卷二百二十四

織屢以贍其寒餒忽有廉勤之將稍有撫循之意不過 能盡中往往相視怨尤以為反不若偷墮之無事若 官授之矢損壞則有決罰請納則有糜費自為而私 因其閱習計其斗力賞以金錢以示優厚然官給之弓 而誇生盖久逸而憚勞勢則然矣臣聞西極若陷成 有繕修役使則怨且怒故昔以貪將而軍怨今以賢 ? )則所得不足以償旬呈月試筋力已窮非時拍試 1.1. 歷弋台臣奏義 出 置 將

其安間巧者治其工作技藝點者蒲博鑑買下者當新

寧宗嘉定十一年知江州表燮上便民策曰臣聞國以 鳳之兵有不曾得帛衣其身者而主兵之官未嘗不嚴 往其貧悴如故陛下若欲修立軍政則所當講求者 故日給以錢月給以栗四口以上又特出補助之給 長子育妻衣服浮脆無異都民視沿江諸屯尤為驕 亦未嘗敢怨則以其人習於麤糲之故也今三衙周 止一事若謂增軍中公使之錢禁役使嘮苦以優易其 力亦足以少寬賢將之所憂矣 非 煄 衛 往

**動定四庫全書** 

卷二百二十十

官者不以是為急因循國莽以至於斯也臣自始到官 陸梁豈惟民心之摇亦由兵力之弱禁軍廂軍弓手上 乃奪兵官之奉合其卒伍教之射藝無日不然臣亦 軍徒有名尔勇怯混淆能否無别閱習不嚴武藝不精 日無一馬則喟然嘆曰竭民脂膏贍養此革將馬用之 深知此弊常因去秋大閱以銀為的募能中者給之竟 驅之以當劇賊如羔犢杆虎狼尔非其人固如是也蒞

民安以兵殭民安則國安兵彊則國殭矣今日羣盜之

欠已日奉 Later --

歷代名臣奏議

Ŧ

按試之第其能以班賞月至于三兵官激昂奮勵勤 之實教與不教其相遠如此哉夫武藝不可一日弛閱 中者其客如櫛而破的者亦無慮數十能者喜於受賞 費賞軍兵武藝之精者自是人多善射每按閱之時 閱習始還其奉臣復放數軍實檢捉姦欺自去秋以 今也巧向也怯今也勇向也有軍兵之名今也有可用 不能者耻其不若皆有勇奮之心夫同此兵尔向也批 于今削其籍者百六十一人未暇招補始以其贍養之 射

金少世人人

卷二百二十四

**宫之女左右前後跪起皆應規拒絕墨而沉軍人乎作** 習不可 臣皆以是為職業申命監司時時察之其能與否悉以 禁點之寇敢窺吾藩離哉惟聖主涣發明詔俾天下守 出於一日之間唐之伐蜀命將啓行亦不越於辰卯之 てこり シーニー 其勇敢之心移其驕墮之習人人精銳威聲震疊雖有 項皆由閉習有素倉卒之際不待辨嚴可出此所以能 取勝也夫人豈有不可教者哉孫武立談之間能使深 日緩漢之名將當修攻戰之其受命引道不 壁气山至尽夷

**禦之計曰是非一事也精思熟講几可以壮國家之勢** 縮 敵 矣彼有可乗之機而我無乗機之具四 燮為都官郎官輪對劄子曰臣竊惟今日之急務固 名聞而賞罰加馬此弭盗安民之至計也臣不勝隊 不能與中國競而臣以為備禦不可少緩者何也日 端而備禦之計尤不可緩夫敵運既衰覆亡無日 得無為姦雄所窺乎故識者深慮之然則 我之深讎也靖康之變耻莫大馬復職雪 顧枵然逡巡 耻令其時 何以為備 J£ 惓 决 退 非

多灾匹库全書

四言

遺法也雖百戰而不可敗是之謂常勝之兵今之諸 亮制為八陣以後為前以前為後四頭八尾觸處為首 後追之楊儀反旗鳴鼓而懿不敢逼盖以後為前亮之 敵 飲定四庫全書 ── **歷代名臣奏城** 相 之制兵自伍法始体成利害五人同之戰則相應難 暇 舜舉姑即古人所為宜於今者為陛下言之臣聞 死雖至於甚聚而是法如初故 日治衆如治寡諸葛 折姦雄之心者無所不用其極始可謂有備矣臣 衝其中首尾俱救雖司馬懿之雄不敢争鋒亮殁 將 而 古

而

不

其饗士也日擊數牛多設間誤周知敢情非財用有 能深晚此法乎古之任将者自聞以外將軍制之軍功 精强能引弓四鈞挽弩九石旦及日中得三千五百人 爵賞不從中覆李牧之為趙將也吏得自置財得自 斛為十萬衆五年之食有如鄧义者乎軍實之夙其能 有 何 如吴漢朝受命夕引道無辦嚴之日乎民兵之可用能 ·所取辨今之任将能如是之專乎非獨此也募兵之 如馬隆者子兵食之豐饒能於六七年間積三千萬 卷二百 四 餘 用

闕之語則知講之有素備之非一日矣以將則良以兵 戰也其能守乎昔者謝安相晉未嘗輕用兵也泰師垂 **火色日東公野** → 朝廷處分已定兵甲無闕西藩宜留以為防味已定無 至遊賞自若桓沖深以根本為憂遣兵入衛安卻之日 以決戰而後可以固守敵雖內江我難遽動則是未堪 如也而可不亞圖之乎臣聞戰守無二道威聲雄畧可 俗粲然具舉豈不甚善若猶未也則是備禦之計猶闕 如李抱真之昭義步兵教之三年悉為精卒乎凡此六 歷代名臣奏議

惟陛 **费明詔股肱心膂之臣圖回長久安强之** 若蛟龍然可以蝎可以伸其蝎也足以固吾圉其伸 足以復舊疆 剕 則 而 金月巴人自電 有可用之實戰雖未勝而有必勝之資俾六師之衆 有功此臣所謂戰守無二道者也欲望陛 又奏日臣聞用兵一 勁以財則裕倉卒之間隨取隨足未戰則有備既 下留神省察 雖有姦雄莫窺其際比長人安强之計也 事雖至治之世所不能免况國 みして M) 計兵雖未 下 神武奮 戰 用

臣聞自古善用兵者攻其所以救彼方擾吾遇疆而吾 界乎方民饑乏一聞斯言雖然從之勢之所必至也鳴 威未振國勢未强之時乎以言兵為諱以安居為樂變 史已日東 A 图 生不虞無以禦之其為計跳矣自北方擾攘流民欲歸 食南朝又不汝容遷延日久必將自斃盍亦就糧於彼 附者甚眾而我應開邊除皆拒絕之有至於殺戮者流 呼事已至此尚可苗安於無事乎尚可以言兵為諱乎 民之怨深入骨髓敵知其然必激怒之曰此地無所得 歷代名臣奏議

陵自 背 實建德救之其徒有凌敬者說建德鳴鼓建旗踰太 圍蘭陵盖延雕的請救之光武勃曰可直往摶 陽處父伐楚以救江漢建武中賊有董憲者自郯以兵 敢 舉兵北向欲轉彼虚回顧其後必解而去從而躡之 上黨徇分晉越清津如此 有所侵越兵氣已不揚矣又安能決勝乎春秋時 受敵此誠制勝之奇策也不知出 **鲜盖郯者憲之所以救也唐太宗圍王世充於鄭** 則關中震駭唐公還師自 此而戰於境内 华 則 腹 崩 晋 不

金贝巴乃

A TIME

卷二百

vg

九三日前 八十 敵 界巍巍中國而殘敵之不若臣竊為聖世羞之雖然殘 國未必有用兵之意且激怒流民附益其黨爾今王 降帝不能從卒胎後悔由是觀之今日整軍而北廼所 以攻其必救保護准甸也且彼猶能侵疆而我不敢 假臣精卒五千覆其本根則數十萬之衆可以不戰而 江夏王道宗曰髙麗傾國以拒王師平壤之守必弱願 瀕於滅亡而猶敢為是舉何也盖窺我朝以仁厚立 **座代名臣奏** 議 師 越

鄭圍自解建德不用其言卒以取敗後太宗伐高

麗

今 寧宗時表說友上言日臣聞事至而為之備患生而為 **焚操刀必割惟陛下英斷不疑** 直恐邊際一 金灯四周分書 怨怒振皇宋之威聲獨不在今日乎古人有言日中 北指宿亳已伐其謀且復多方傳檄晚諭流民汝等中 原遺黎本吾赤子乆淪敵境豈不相念曩日之不汝受 開以大信許以世襲離其黨與孤其軍勢解遺民之 以往有能取一郡 開反為汝界爾豈意殘敵極敢叛盟乎自 | 縣以来歸者即以郡縣之地與 卷二百 凹 吰

一最切者尤莫大於治軍實夫軍實者武藝車徒跪械是 亡與否雖未可必然在我豈得不為之備乎譬之盜發 於鄰人之家則吾之固藩離嚴局鍋以豫為之防者誠 倉卒之應乎自累月来風聞敵境多故固於遠戎其敗 傳曰備豫不虞古之善教也然則防危慮患其可僅為 應天下之變有餘矣書曰惟事事乃其有備有備無患 大己口臣 Kidelin 之防此古人之深戒也必先為之防而豫為之備則其 不可緩也今日之所豫備者莫先於修軍政而軍政之 壓代名臣奏議

之要而謂之軍實者也弩手之高强者則有四石五與 將謂軍中如弓弩手如鎗刀手皆有陛加等則此武藝 也春秋之時以數軍實為軍政之先務臣當得之於宿 所增多寡視其藝之高下凡此者統即等日試月比每 五石馬其用鐵搭者則加以三斗矣弓手之高强者則 力愈高矣有此武藝則有此陞加與之增食錢增衣賜 刀手之高强者則有格關屢勝者馬力愈强則斗力慎 有二石五斗馬鎗手之高强者則有五百六百攬者馬

金与巴居自書

卷二百二十四

藝日 設復添衣賜自度無以辨此不復敢事激勸遂使士卒 緩急旋求其熟為勇熟為强何可恃也今江蜀諸屯豈 然後士卒激勸勇者思奮强者竭力平居無事程能校 スニリー ここ = 陷陣斬將搴旗無不可者若不激勸於無事之日 力總司復無餘財私恐陞加既多月給以廣既有搞 知此而陛加之法百不舉一 温月習有增無減 班上一日二十五 遇征行莫非强勇之士推 臣知其說矣軍中 既無 日

季属之總領親與審拍從實性加陞加既畢即增請

萬之本者盡皆入錢塌買其實客旅皆用元價且復增 |减若干錢則客旅即至矣遂墮其計於是鈔鋪挾百 官恐有歲終虧分之罰而胥吏給监官日每鈔一道當 哉臣竊謂諸路總司前十數年往往財賦所在充物 錢就鈔鋪買鈔而去官中所減之錢亡慮一二十萬盡 臣亦略知端倪矣總所胥吏與鈔銷實表裏馬務場監 軍之餘所積甚富近年浸皆宮東不知何以遽至於此 多定匹庫全書 有勇莫施有力莫見人材沈鬱緩急無用豈不深可惜 供

季取最髙者不以人數多寡全總領同統即親與審 歸 欠己日臣 Midus 試籍定斗力石力與獵數格關勝數最高强者候至一 為軍政急務行下諸處統即將弓弩手鎗刀手每日比 甚不乏矣臣愚欲皇睿斷詳酌臣所奏深以陞加之法 懲而痛革之則可以歲以所減之金以充陛加之用盖 来此弊尤甚而准東則又甚馬使總計者酌見此弊深 不得徇情須從實陞加犒設外照格増添請給等具名 鈔鋪骨吏之家矣歳歲如此其滲漏不可數計也年 歴代名臣奏議

来指揮 應卒馬其為誤事非臣所敢知也慘倦之忠惟陛下 幸 此盖軍實之最切者若平日無以豫習而臨時乃姑 勇力競相呈露一有遙警以此遇敵臣知所向無前矣 得武藝果是高强者統即以下當議推賞如更蔑裂今 金月四月全書 軍之餘充陞加增添錢物等使用如將来遣官點試見 奏聞仍仰總領所措置財賦考覈更姦關防滲漏以 即當重真與憲諸軍士卒亦皆頭雖自奮願 欲 佚

矣若是者欲其衛民以固吾圉也雖然豈惟是哉脫 陳耆卿上殿奏割曰臣聞有郡縣之兵有邊隱之兵邊 とう! 也今懼其汰而先鬻諸人豈論其人之可兵邪物故 粗訪底裏大率以養兵為因不以練兵為急老者合汰 之兵即追隱之兵也臣昨以庸為按兵浙東足跡回環 緩急則未免以其所以固吾園者而施之備塞是郡縣 **陆之兵可急而不可緩者也郡縣之兵似緩而實急者** 也厥今郡縣之兵其數不為少矣養之之費不為不殷 歷七台至天義 有

言之甲能而乙不能人所知也至射則不能者或中而 要在 雏 教之 罪也幸而察之固無害不察則能者不賞而不能者賞 能者或不中盖其私相替易以託主兵者之觀聽甚可 合去其籍也今不去其籍而改刺其子弟豈論其子弟 之 目 可兵犯補之不度其材教之果有其法猶之可也今 講之以豫而持之以久否則虚名而已矣以 果何如哉夫所謂路鈴之按閱者歲一及境而已 親其暴而不能心知其詳也其勇其怯其工其拙 射

多定四库全書

卷二百二十

四支

矣觸 兵官得以賞罰之兵官之勤情守臣得以賞罰之其有 於簡閱一事兵官詳督其目守臣親提其綱兵之勤作 的諸郡每於補刺之際研數惟謹以痛婦養時之弊至 必生之理平居肄君既同兒戲猝有調發則聞金鼓而 とこうこ シュー 則安望其却敵而生邪夫古人之兵有所謂以一當百 陳對妻好而江而日我將就死者也夫既自以為就死 者貴精不貴多也今若是雖多無益臣愚欲乞聖慈嚴 類而觀其他固可想也盖兵有敢死之氣而後 歷代名臣奏漢 有

兵部侍郎虞傳上劉子曰臣竊見國家原給軍食内 時出不意以點摘按視之務使人人自奮出爪 藝祖皇帝定制京城諸軍其營之在東者受糧於西 其營之在西者受糧於東倉南北亦 衙外而諸屯以至州縣府禁土軍皆是就倉 以之長城江淮清風河洛無不可者惟陛下留 藝精好者優加旌别歲上其名於家院本路鈴總 惰且習熟其筋力之勞也其用意深矣臣往年假守 巻二百二十 四首 如之盖不欲使 打請 距 神 2 倉 且 而 扞

多好四库全世

士負米未免少勞裹糧扉優未免自備或遇陰雨未免 家蕩產者甚聚此三害也軍吏際量欠折又多縣道填 士安坐而食飽食而嬉習成驕惰此一害也綱米在途 月装费翰之于軍朝廷從之行之至今日見其害夫軍 令軍士逐月赴縣倉打請行之數年有建議者乃謂軍 人雜溼惡不堪食用此二害也船户偷盗監繫日久破 江府照得管下常熟縣許浦水軍其移屯之初亦是 留請使本縣起網州府差官運司支破船脚之數按 ī 医罗马豆夫

價不已此四害也為今之計莫若令軍 聖慈特降 塞事體相關且將自為開浚利害所在灼然甚明伏 偷 又 以前来雇船水脚之直界之輪差隊将赴縣倉支簽 有 盗 理宗時許應龍進故事日李抱真為懷澤路觀察 所補. 每月習於丹稱之勞不致驕惰給其水脚之直 |盐聚縣道免於填償欠折軍中既自運糧 ·助網運可以關防不致夾雜淫惡船户免於 唇古斷然行之使復國家之舊制不勝幸 中自備舟船 河道 孙 甚 鳇 虚 則

多定匹庫全書

貸勿事緩則農急則戰謂之雄邊子弟臣謂民兵可用 節度使從刻南西川至則率户二百取 萬 2 1. J. .. 1. 1. 1. 1. 之容迫近敵境而間探素審從事鞍馬而弓矢素精 射歲終大閱第其能否而賞罰之三年皆為精兵得 後凡八年籍户三丁擇 所素習而教閉之亦其所樂趙者況又激之以搞賞 如官兵盖邊陆之民耳稔乎鉦鼓之聲目熟乎旌 既不廪於官而府庫實逐雄山東李德裕為鄭 歷代名臣奏藏 蠲 其徭租給弓矢令開月 人使之習戰 旗 因 滑 켭

今為之糾合使之捍禦非特國之利亦民之利也故 强其成效大驗盖可考也為今之計官兵固當激厲使 兵足以制山東之變李徳裕雄邊子弟足以捍南詔之 兵之用尤為得力若夫出戍之兵雖給之生券而居 之精飯而民兵尤宜糾集然區處民兵要必有法蠲其 聞少如弃甲而潰尚何望其用命哉李抱真的義步 不知勸兼屋廬妻子皆欲其保護其自衛之計尤 有思歸之念無勇戰之心驅之使前雖不敢避然 民 非 切

多定匹库全書

巻二百二十四

警急昌望其助知此數弊為之處置則孰不樂為吾用 賞既無所獲誰肯效力是以雖有民兵之名而未底安 柳 **追之績者其患實縣於此心於奏凱之際為之分別官** 力役而使之安教以技擊而使之熟擇其精銳而重賞 軍有功則賞官軍民兵得勝則賞民兵所行既公其誰 之則感激而思奮統以隅總而倡率之則緩急之足恃 ここう!! 不服但州縣之吏尤當戒其侵擾使平時既失其心則 有所當察者出戰則民兵當其鋒勝捷則官軍争其 ). J. 壁气白豆灰黄

應龍又進故事日昔司馬光上書言兵務精不務多歐 欲 **比者官軍問有敗匈闕額未補若就沿邊招募於勢尤** 言兵不在衆在練之如何耳且謂景徳中契丹内寇西 陽脩除三弊言兵不在多當以計取范鎮論益兵之數 又且無調费之勞 夏不服時兵不滿五十萬西備北禦沛然有餘儂智髙 便盖其人 建明記制 随速作施行底邊疆固而國勢强矣 (精强又習戰關使之戌守不惟省生券之費 舉而兩得實因時施宜之長策也

**銀定匹庫全書** 

老二百二十

四毒

萬之用徒費廪給以耗國計竟何補於戰守之大計哉 成功多則適以盡財老弱不汰訓練不嚴驍勇者無以 次 三日華 全 者則曰財彈恐無以供給每重於增収請求不已若 委靡分随者則日兵少不足以捍禦不容於不招謀國 今京襄創殘准蜀凋瘵强敵选出以縱橫國勢日淪於 旌别怠惰者豢於安養是雖有十萬之兵而未必有五 歷代名臣奏議

寇嶺南狄青卒能取勝者蕃落數百騎耳此兵不在衆

效也臣謂用兵之道不在乎多而在乎精精則可以

勇銳懲其怠情尚有微勞厚加激勸或由行伍而陞 融至於米粮生券之須 則兵皆精兵雖五千之人 卒長或自小校而陟之隊將孰不踴躍求以自見如 分りいろと言 而徒日增兵老弱者以之短小者刺之祇欲充數既 三千撥緡以與之招造器以給之用目前之費尚可那 萬則費百餘萬使選强壯之人拘以教閱之法 或敗匈 · 咎將誰執故或增一萬二萬或添五千 兵之費每歲異止百千增 可以當萬人之 四 敵不明 产此 旌 此 至

或不膽寧免生變為今之計見在之兵則棟其縣飲者 無益於捍禦不此之察而聽其日增月益何以供億 雖增十萬之兵第為原稍之盡內則每憂於寫置外 九巴四年心事 一 **壮者必自 奮庶新舊之卒莫不可用又激賞以作其氣** 厚給之以旌其能法其老弱者半給之使不失其所. 軍籍不惟訓練之不嚴又從而私役之或占優閒或使 招之兵則拘以等仗而脆弱者不容進教之技擊則强 回易被堅執銳既非素熟望敵丧膽誰敢勾前如此 歷代名臣奏議 四五 倘 則 則

矣 知漢陽黄幹上結保伍奏日臣竊見國家比年以来講 敵 則 而将尤 則進退之失宜雖有精兵亦不 衝 而士卒樂為之用者使之處我庶戰必勝而 殆 至於虚費技既精則 2.將無不如意尚何外患之足慮哉雖然兵固 不可不擇 尚非其人則激賞之無術至於臨 可資以 能 決勝安逸固圍强 用公取其多多益 攻 必 當 取 本

陞差以酬其勞至於剋敵

有功則

復

不次

擢

用兵不

金月口屋

A

卷二

責又每一二年而軟易此豈足以揔攝人心使之久 然州縣之間未當舉行不過保正掌追胥户長掌租 周 こうしし ここ 而已以一家而總數十里之地以一身而任數百家之 而 姦完不生法制嚴而馴服有素夫是以人心有所統攝 尤所當憂今之內患莫甚於人心沒散而無統嘗觀成 邊備最為詳密然臣竊以為外侮固所當慮而內患 緩急不敢以自肆後世保伍之法猶有成周之遺意 比問族黨州鄉之法上下相維脉絡相 壁七台至冬花 闗 防提客而 稅

政遂 甲為 矢口 總數里正為一鄉官一縣之地分為四隅每隅之內 夫 為便今者紫恩假守漢陽適值大旱細民難食脩舉 而無變哉臣皆為臨川令當開禧用兵之後隅官之 然亦但為荒政設耳不敢大有所更張也向使熟議 盡廢其法以五家為一 鄉官為一 推行保伍之法户籍多寡蓄積有無好可得而 團長一 隅官以察姦馬以護鄉井行之三年人以 里之内總數團長為一里正一 小甲五小甲為一大中 鄉之 四大 内 周

銀定匹庫全書

人

卷月二1

知 慮也苟法制素守人心既孚因其農除教以武事則 兩卒旅軍師之制可以漸復而戰攻守禦之君亦無 既 右 明 保伍之法乃所以總攝人心防開變故而為緩急之 入境嘯呼成產則却問里者皆此曹也使保伍之 力行之則維持人心防閉變故之道無以易此況 不惟不使至於為寇而又足以禦寇亦何憚而不為 地皆五方雜處之民土地廣表姦盗伏藏往年唐 則人心素有統属亦何至於肆行而莫之禁 耶 法 伍 湖

南 欽定四庫全書 妻孥者七八茍於趋利輕於犯法屢黥莫之悔也緩急 非獨以備使令盖將使之執干戈以為攻守之用 乎臣所陳果有可採欲乞行下制置司詳議施行 之有 際求其不相挺而為盗已為幸矣況敢強其備攻守 數十人無非甲也累數十年無非甲也十人之中 在視江南内地為尤重臣獨惟江北之兵反不若 又上修軍政奏日臣竊見州郡之間有廂軍有禁軍 紀律朝而来暮而去甲之名乙承之丙又永 四謀 江 11

費已無所從出尚何暇為妻努計哉春冬衣賜則以鐵 所施者厚則其報之者亦然今待之如此其薄是驅之 軍倍之夫五斗之米不足以供一卒一月之食薪煎之 出日久瞻其家無屋可居則為營寨以處之向之單身 與之料錢數百嫁娶生有則助其費疾病則給以樂差 錢折支視中州所得五分之一耳夫衣食足則知自愛 K :. 17 . mt 1. itin 1 使為不肖也臣到任之初廂禁軍各添支月糧五斗復 壁代名臣奏議

之用乎臣守漢陽嘗觀諸軍之請給廂軍月糧五斗禁

責有所歸矣臣愚以為有一郡必有 僭陳之以俟採擇 其已試然後見其可行不敢為誕謾嘗試之言也敢 臣前所言三事皆本軍所以行者非敢自言其能也因 撙節用度檢防渗漏以修舉軍政當務之急莫先於此 無家者皆有願為之室者矣到任一年輕於犯法者絕 而逃寬者則絕無也以此思之則前日不為吾用者 又上奏曰臣竊見漢陽軍地居江北實吴蜀之咽喉 郡之財賦誠能

金好四周分量

卷二百二十

四

為守禦之備乎若欲廣行招募則事力既乏無以給之 武昌之藩蔽財賦窘乏兵籍單弱反不若江南之一 問之監吏則曰所鑄之錢僅足以充監卒請給之費守 たこうえ 額十萬貫臣到住之始數實其數累數年間樁積極心 今臣愚計可以不貲錢糧而坐得數百人之精卒以為 縣地逼諸臺費倍他郡廂禁軍通約五百人而總漕兩 司占破其半其餘以備差使猶且不給尚何暇教習以 郡之用竊見本軍有鐵錢監一所置監之初每歲認 1. L.L. 歷代名臣奏議

臣不敢 悉聽守臣之節制不惟監中之與可革而數百人之卒 權属之湖北漕司而使守臣掌其权支出入在監之卒 備此所謂不貴錢糧而坐得數百人之精卒計無便於 事者自有監官出入多寡守臣不得而問馬與之有無 可 用月有庫給供贈與厚非廂禁軍比也若以錢監之 雖任提督點檢之責而其權乃属淮西坑治司任 以助州郡之軍額鼓轉之暇教以武事而為緩急之 知也獨竊見鼓鑄之卒不下三百人類皆仇健

巨

金贝四月全世

卷二百二十四

其

戰敗營寨丧於欝攸財帛荡於席卷積年軍器為之 てこうシー ニー 軍者常多而饋師於正軍者常少今又主将受辱親兵 安樂法治之人知其非計也臣來自山林不知朝廷事 端而外證已見者莫急於淮甸若外證已見而猶欲以 此 盡方且多求赏帖動以萬數虚張冗食有增無減雖欲 者如臣言可採乞行下湖北轉運司相度施行 不敢問淮甸軍籍但聞道路之言以為應辦於忠義 侍郎曹彦約奏曰臣竊惟今日事勢可憂者非 發汽 召至奏議 

實繁慢心易生不可不亟圖之也建立宣聞猶慮張皇 一多 玩四月全書 實才求其少壯氣銳可以久任者為之守博采後進求 移前時饋遺之禮廣賓客以召豪俊察軍前股削之獎 其忠實可以倚仗者為之属使之行其所學條具本末 都從古為大朝會中與陰制境外率在於此必須選 江内之事疑慮所不及處不可不密為之計也金陵 增兵維楊易生釁隙若置之不問又非所以為國然則 處之以安静示之以不疑而國用空虛彼所親見其徒 ا. **و**ر 陪 用

意響所在可以有為矣江内之正軍稍足憑藉則江 忠義逃亡之數罷日後招補之額元氣既威邪氣自哀 饋餫國勢民力庶幾其少蘇也或曰朝廷養兵極矣帑 之正軍漸可消弭減戍歸營以寬擘券聚兵水次以 壮内地二則可以制外侮三數年後聳動羣聽然後數 2 · 17 ... 1.1. 而無增兵之迹有討賊之備而無討賊之名一 其氣多者得十萬人少亦不下七八萬人有增兵之實 効用以来勇銃深思遠**慮以定其**謀超石拔距以 医七分五天龙 一則可以

然自更化以来謂一卒不可復招者今幾年矣然而本 必十萬此特正軍耳而忠義軍之逃亡事故者猶未 則 止此也與之乃所以取之楊之乃所以抑之招及萬 本之於不得已今不思所以制之恐後之不得已者· 之於其小而不能吝之於其大吝之於可以已而不能 多則公十萬人揆今日事力何可繼也臣請應之曰不 《減於外者亦必萬人以至招及十萬則減於外者亦

廪之不繼亦甚矣無故而創起!

軍少者亦七八萬

多定匹庫全書

巻二百二十

四直

索勢使然也然而行此者必有道馬一日聖徳剛健 陵之神弘而又招刺之始其勇易贾消沮之後其氣 ~ 一鄂之大軍不得如長沙之飛虎襄陽之副可不得如江 於定四章全書 ■ 於書生者識字淺則吏姦深勢援寡則科率重所以荆 所不及今時之所謂武將往往畏死而不善戰未有優 不同也昔時之用武將以其善戰而不畏死固書生之 於彼也臣又請應之曰書生之管軍與武將之管軍為 也而或者又日如此則何異於正軍異必增於此而減 歷代名臣奏議

如 三日屬士大夫羔羊之行以警諸將四日責官吏慈祥 力牧伯奔走於外而朝無正大之治以玉其成皆不謂 廣訪問而祭邇言使浸潤不行凡所施為與治同道 一効也若乃君相焦勞於朝而外無爪牙之士以宣其 政以正内治五日進忠直而退柔佞使利害易見六 此 不始勤而中報二日朝論堅忍於上不喜暫而厭 則天人助順夷夏属心間外之事與政通矣方 而張仲居中羊祜謀於邊而張華助力此必至 卷二百二十四

攻其虚 有守第第相承敵攻一重而又有一重以為之限障其 為寒心可為太息今欲備之肆者客膽之薄者壯處處 とこうまとに 一 之患在乎兵少而力分盖兵少則備躁力分則膽薄敵 人緘黙惟陛下財幸 以濟時感陛下推仁爱微小之意願有補於萬分不 書舎人來甫奏乞團結民兵劄子曰臣聞方今邊面 (如蹈無人之境不待兵刃相接而渙然散矣可 歷代名臣奏義

稱臣投老之年衰疾已甚無筋力可以報國無學問

置弓手皆以二十五人為團置開官四團為都置正副 昳 起事急而行之彼各保鄉并戀室廬顧墳墓此正民情 事者當識人情大凡人情安平而使之結集則怨咨易 帷 都頭各一 之所甚欲何怨之有本朝康定初契丹擾北 回 謂甚急矣始詔河北河東路强壯陕西京東西路 則可今勢既孔棘將有緩不及事之慮殊不知善作 聖行團結民兵之策乎或謂此策 行於平居無事之 人五都為指揮置使年二十係籍各置弓弩 元昊叛 新 丏

動定四库全書

卷二百二十四

此 といううんだら 失守則諸處盡瓦解矣譬猶夹棋急有急着死中求生 若風雨乃欲以陳漏單薄之備當飄忽剽悍之敵一處 坐視所在兵少力分之與不亟起而圖之北人之来勢 冠未聞事勢急遽之時而不可以行團結之策也今者 敗亡可乎臣之愚計謂宜作急行下應沿邊州郡日 河東十四萬四千陝西亦十五萬而卒以此制西北二 分番教習官日給粮二升河北在籍者二十九萬三千 國恭也若憚彼之衆怯我之寡遽謂搏手無策待其 歷代日至矣義

之急也則口倉卒何暇為及羽機稍稀敵騎稍退又該 守者未嘗不日有賞罰奈之何能言而不能行歟當勢 舉行團結民兵之政其間或有規模已成者更須精 之於無事矣如此則是終無可為之時也今者團結民 整葺務今縝客如其未曾結集去處宜及今嚴行要束 有周圍捍禦之功此實當今至大至急之務也朝廷每 亞作措置處處有保甲人人知 固守無枵虛疎薄之患 事未嘗不口專委監司郡守其所以鼓舞監司郡 力口

多定匹库全書

卷二百二十四

以守 度宗咸淳八年 愚冒昧控陳惟陛下採擇 とこう シーニー 武備為急公申儆而講肄之然後國威奮揚兵力堅 監 政 則備家而膽 司 緩仍責在監司郡守以能否為賞罰郡守不勝任 事願陛下宣諭宰執務在速行如救焚拯獨不 則固以戰則克此保民守國之常道不可廢也然 按劾監可不稱職則基諫抨弹母事空言專行 起居舎人高斯得奏日臣聞有國家者 肚又何敢人衝突之足慮哉臣一得之 歷代召臣奏議 勇 容 實 則

國之道而乃以威夏之時行大閱之禮周之八月夏正 此三代立武事之正法也春秋之時周官雖廢而魯周 車 之六月也是月也神農持功母起大役此豈勞民動衆 公之國也其禮故在威公所當謹守其法以為保民守 之也周禮仲冬教大閱所以簡軍實修戰法辨旗物 以閉武之時乎春秋書之言其非時也程順春秋傳 有其時馬故曰三時務農一時講武盖必於農隊而為 徒其禮比春之振旅夏之芳舎秋之治兵最為詳備

多定匹库全書

大三日日上 無事而為之妄動也有警而為之教之不素何以保 莫不踊躍奮厲思敵王愾當是時若内若外武備修飭 功順動以時旗幟精明戈甲焜耀師武臣力士百其勇 白石大開禁旅親乗戎路以臨之者凡再駕馬穑人成 行孝宗皇帝修攘之事何其與春秋若合符節也茅灘 國子斯言盡之矣臣皆因聖人書法而考諸祖宗之所 而又命兩准忠勇諸軍率以十月聚教於官官給錢米 此何其威哉陛下上絕祖武修攘之政固無不舉 歷代名臣奏議 车六 其

金宣宗貞祐三年河東路兵馬都總管胥馬上言臣所 敬将即毋或忘戰廢備使國威 者有未至數臣願陛下以孝宗皇帝屬志戎略為法申 題年以来疆場多虞士氣未振豈所以激昂而鼓舞之 無訓練統攝官以制之則朋聚黨植無所不至乞許 将義軍皆從来背本趙末勇猛凶悍盜竊亡命之徒苗 清日月可冀矣惟陛下留神幸甚 便宜置總領義軍使副及彈壓仍每五千人 張殊隣遠慘襄漢之 (設訓練

金员四届全量

卷二

百二十四

· 民又言平陽歲再被兵人户散亡樓櫓修繕未完衣甲 上從之 員不惟預為防閉使有畏忌且令武藝精熟人各為用 Call of Links 計乞降空名宣敕一干紫衣師徳號度牒三千以補 河南戰禦有期儲積未備不速錯置實關社稷生靈 方劉伯林聚兵野狐嶺將深入平陽絳解河中遂 (械極少廋)棄兩月食夏田已為兵蹂復不雨秋 下雖有後業殘民皆老幼莫能耕種豈足徵求比 壁代名臣奏議 聞 抵

能 帥 將 儲 自 四年冉為尚書左丞义上言曰比者朝廷命擇義軍 三等臣即檄所司而潞 府兵不至是耳沉浴州北即為其境日常備戰事務 相 府時已按閱本軍去其冗者部分既定上下既親 上日男言是也 互易而不相語矣國家粮儲常恐不繼豈容徒冒 赴援各顧其家心一 向成功此皆血戰之餘屢試可者且又父子兄弟 即必婚阿婚弘言自去歲初 而力齊勢不可離今必 析 為 但 故

多定四犀全書

卷二百二十四

欠三日日 Lat 而也軍五千邳户僅及八百軍以萬計夫古之取兵以 平以東界經残毀至于邳海尤甚海之民户曾不滿百 與定一年資徳大夫無三司使尚書右及侯勢上言東 乞從本府所定無輕變易臣竊是其言時阿噜岱奏亦 **弘超時力作若徵集之動經旬日農事發而歲計失矣** 用慮恐因得測吾虚實且義軍率皆農民已各散歸田 至諂遂許之 殷而分别如此彼居中下者皆將氣到心懈而不 歷代名臣奏議 可

甚眾日食野菜無所依倚恐因而嘯聚以益敵勢乞募 路之歎今兵多而民不足使蕭何劉晏復生亦無所施 且戰且耕公私俱利亦望被俘之民易于招集也 選為兵自十月給粮使充戌役至二月罷之人授地 其術況於臣者何能為哉伏見邳海之間貧民失業者 十畝貸之種粒而驗所収獲量數取之速秋復隷兵伍 **兀世祖時趙天麟上策曰臣聞荀子曰齊之技擊不可** 家為率一家充軍七家給之猶有傷生廢業疲於道

金灯口屋分量

卷二百二十四

毫不犯有功決賞有罪決刑不攻則已攻斯取矣不戰 步伍有法即長有要所屯之處雷電相潜所至之方秋 則已戰斯勝矣此節制之兵大将之事也夫臨敵不懼 之衛父兄手足之桿頭目此仁義之兵帝王之事也夫 こう!!!! 視死如歸驅馳於荆棘之中横突於熊羆之陣如霆之 仁義於此道以觀之夫仁人之在上為下所仰猶子弟 不可以當桓文之節制桓文之節制不可以敵湯武之 歷七日至太美

以遇魏之武卒魏之武卒不可以遇秦銳士秦之銳士

耳猶神擊後衝前行藏不測者此技擊之兵也且首子 機計為先換弓矢以平驅樹戈矛而互動目山借水後 之絕藝壯無敵之皇威者此武卒之兵也夫襟懷遞變 之捷望風埃而怒髮衝冠值變故而英聲載路行所學 明 之言雖非一 非節制而無以見仁義之可用兼之者若泰山之壓 何憑非武卒則鋭士畴助非銳士無以副節制之嚴 如暈斯飛者此銳士之兵也夫希孟賁之力習慶忌 國而所行之事貴在兼全故非技擊則武

多定

匹庫全書

老二百二十四二十四

或老贏之軍或市并體嬌之子或農畝力鈍之徒若言 棄之其斯之謂歟至於唐朝逐置武舉其制有常垛馬 **处已回車在上日** 中冬教大閱所以不忘戰也孔子謂以不教民戰是謂 充數不其然乎如此取兵百無一二謹按隆周之時群 略 要以仁義節制為之本馬今國家仁義可謂厚矣節制 方已服於是乎中春教振旅中夏教芳舍中秋教治兵 卵有餘勝矣不然則較勝負於 巳明矣臣猶以為士卒之類素非練習或嬰孺之流 歷代名臣奏議 時猶未可決也但其 <u>†</u>

旦臨陣 徐 絕藝奇技莫不兼舉盖以有其材者處其職 射 大之規復從臣所謂審兵權設武舉之法以盡安 步射 之節審旌旄金鼓之儀也眼熟之心悉之耳精之 非其人而居其任則其任將負所以使之 之理以之治內則移榜魏魏之道益隆以之禦外 家先從臣所謂守文化别儒文之法以成持盈 則無不勝矣伏望陛下審文武之二柄固 同射馬搶翹関負重身材之選以至軍 知進退 則其職 誻 將 乾 不 無 疾 抻 略 剕 نځ 保

鱼为口为人一下

卷二百

四

根本固壁人心之急務汎武備莫重於兵而養兵莫先 宜速選擇驗勇精銳衛護大駕鎮守京師實當今真安 營軍卒疲弱素不訓練誠為虚設倘有不測誠可寒心 順帝時監察御史五十九言今京師周圍雖設二十 彦可以充大将者則以臣所謂詮大将之法而體之伴 潤色以當今可行之理而行之若有非常之傑不世之 程其藴馬國家之長策於是乎定矣 桓桓赫赫之威彌厲矣所謂設武舉者採前代之遺事 ALIDIET ALLE 歷代名臣奏議 四

於食今朝廷撥降鈔錠措置農具命總兵官於河南克 金灯也是有量 州 歷代名臣奏議卷二百二十四 兵信從宜於軍官內選委能無字軍民者兼路府 郡且耕且戰甚合寓兵於農之意為今之計權命 釋矣帝嘉納之 農事有成軍民得所則擾民之害亦除 卷二百二十 四 州 而